

中華民國郵政特准掛號認爲新聞紙類


中華民國十年十一月初五日至初九日 第六十二期

湖南市政報

(印代局刷印豐復街正府沙長)

湖南省長公署發行

本埠每月每份光洋八角
外埠每月每份另加郵費二角



自錄

總務

省長委令魏聯葵署理瀏陽縣知事由

省長委令龍納言署理永綏縣知事由

省長指令卸任芷江縣知事陳詩庚呈陳明挾嫌留難情形由

內務

省長致沅陵蔡鎮守使電

省長致芷江縣知事電

省長批馬春源等呈請核准開設屠獸場一案由

省長指令警務處處長張輝瓈呈請令行駐防各軍不得逕委警員由

省長答湖南總司令部文

省長指令武岡縣知事吳劍佩呈爲遵令改訂籌荒會簡章請立案由

省長指令財政廳廳長鍾才宏呈賣漢壽九月份被水成災各垸圖冊請蠲緩田賦由

教育

省長訓令湖南財政廳廳長鍾才宏 湖南學捐經理處經理員顏方珪湘南各釐局帶徵學款已批令按月逕給具領毋須繳儲金庫仰

該廳轉請照由

省長訓令郴縣知事案據該縣勸學所呈爲增加田賦附加經本署批准各節仰該知事遵照由省長指令藍山縣知事李寶堃呈爲遵令造費教育產款一覽表請核示由

實業

省長委令陳嘉助爲黑鉛煉廠廠長由

省長訓令鑛務總局案據黑鉛煉廠廠長趙連壁呈請辭職並請發九十兩月欠費等情仰該局遵照由省長咨湖北省長文

省長訓令岳麓農會 衡岳森林局案准湖南省署咨開襄陽農事試驗場呈請通咨各省徵集農林蠶各種種

子等因仰卽遵照選擇良種逕寄該場由

交涉

省長指令委員程維嘉呈奉委查辦未陽天主堂巴司鐸干涉民人鄭登俊等訟爭古樹一案由

省長訓令交涉員案據委員程維嘉呈覆未陽鄭登俊等訟爭古樹一案等情仰該署即便遵照轉知事即便遵照轉

函翁主教查照辦理具覆
隨時查拿陽香清等務獲究辦由

司法

省長訓令漢壽縣知事案據該縣團正周肇基等續控北蠡鄉團防分局長湯才裕等擅用法權請令嚴辦等情仰該知事遵照辦理由

省長指令新化縣知事陳思材呈解處分蕭同春等捉匪格殺一案卷宗請核辦由
省長指令沅江縣知事張以祥呈賣十年九十兩月份民刑事訴訟月報表乞核示遵由

省長批長沙戴成元等呈爲模糊判斷抗卷不解請飭調核辦由


高等審判廳指令東安縣知事李家炤呈報相驗蔣唐氏命案情形乞核示由

湖南高等審判廳民刑庭公開審理案件日時通告



期二十一六 第

目錄



四

總務

湖南省長公署委任令

令署理瀏陽縣知事魏聯葵

爲令委事案照瀏陽縣知事羅良鐸丁艱辭職遺缺查有魏聯葵堪以署理除分行外爲此令委仰該知事卽便遵照赴日馳赴瀏陽接印視事仍將到任日期暨接收交代情形連同履歷具報備查此令

趙恆勗

中華民國十年十一月十四日

湖南省長公署委任令

令署理永綏縣知事龍納言

爲令委事案照新委永綏縣知事張稱達因病辭不就職遺缺查有龍納言堪以署理除分行外爲此令委仰該知事卽便遵照赴日馳赴永綏接印視事仍將到任日期暨接收交代情形連同履歷具報備查此令

趙恆勗

中華民國十年十一月十四日

湖南省長公署指令

令卸任芷江縣知事陳詩庚

總務

呈陳明挾嫌留難情形由

悉昨據該知事以縷晰陳明等情具呈到署正核辦間茲復以陳明挾嫌扶同留難各節續呈前來察核情詞不無支吾之處若謂劣紳挾嫌留難則本署已有不准紳民藉故留難之電芷邑並非化外縱不奉令惟謹甯無公道可言若謂匪首通行城市恐有生命危險不知該知事在芷時身居營部本署又已電飭楊知事俟交代算清後卽會營妥商派隊護送防範已極周密各縣知事辦匪嚴厲者亦不乏人未聞如此畏葸至武岡交代該知事不結算於離武之先已屬違背定章乃於卸任芷邑之後藉口清理武邑交代致兩縣代案久懸不特無以掩飾反足自重其咎也武岡交代固不能再拖芷江交代亦必須速結現據楊知事呈報接收移交未清大概情形前來仰卽遵照敬電趕緊回芷清算毋再玩延致干懲處此令

趙恒毅

中華民國十年十一月十一日

內務

致沅陵蔡鎮守使電

沅陵蔡鎮守使鑒據芷江知事楊子奉呈報縣屬土匪徧布東鄉懷化各區著匪有張實鎮等西南冷溪各區著匪有馮春山等西北便水各區著匪有張實誠等大小計共數十股股各數十人或數百人每股之槍或數枝或數十枝盤亘各區分合靡定出沒無常焚殺淫擄無惡不爲人民慘受痛苦不堪言狀急望拯救等情合亟電仰該使迅派得力軍隊馳往該縣扼要駐防從嚴勦辦務絕根株以蘇民因此次剿匪著有成績者應准專案請獎如或剿捕不力貽誤地方亦應據實指報定予嚴懲不貸仰併知照恆豐印江

致芷江縣知事電

芷江楊知事鑒漾日呈悉查招安一事早經通令禁止據擬招安辦法與前不同姑准變通試辦以解倒懸惟該股匪等窮兇極惡爲害閭閻終應痛加殲除以期淨絕根株除電蔡鎮守使迅派得力軍隊馳往該縣扼要駐防從嚴剿辦外仰卽督飭團隊協剿毋稍疏虞一經撲滅應卽從事清鄉分別懲究其被脅迫附從者務宜切實查明取具悔保各結准予自新以靖匪源而安地方仰併知照恆豐印江

湖南省長趙示

批馬春源等呈請核准開設屠獸場一案由

呈悉查該民請設屠獸場一案業經令行財政廳核議在卷嗣據該廳議復以檢查原案並體察現在情

形礙難設置等語呈署自應依議辦理所請仍不准行甘結發還仰卽來轅領鋪此批

中華民國十年十一月三日

湖南省長公署指令

呈請令行駐防各軍不得逕委警員由

呈悉任免警官事有專責該處長洞悉時弊杜漸防微所陳不爲無見仰候轉咨
總司令部通飭駐防各軍遵照可也此令

趙恒毅

中華民國十年十一月四日

湖南省長公署咨湖南總司令部文

爲咨請事案據警務處長張輝瓈呈稱爲呈請令行駐防各軍不得逕委各縣警員以維警政仰祈鑒核
施行事竊維安內禦外職責各有攸歸行政用人事權必須專屬處長任職以來對於各縣所屬警員正
在詳加考察酌定去留蓋殿最必分明乃足以定黜陟職責必分明乃足以資懲勸理勢然也近查駐防
各縣軍隊於該處城鄉警所無論現任警員之賢否輒有逕行更委強迫交卸情事於是不肖者承迎駐
軍以爲進身之階卽依恃駐軍而爲虐民之政職處礙於駐軍既失監督之權人民迫於駐軍又失呼籲
之地處長受事伊始接到各處呈報已有數起若復過於遷就不惟養成軍人干政之嫌亦上貽鈞座以

失官之咎爲此縷陳下情伏乞通令駐紮各處軍事長官嚴諭所屬以後對於所駐地方警察官吏無論賢否不得直接更換以清權限除呈總司令外理合備文呈請鈞座鑒核施行謹呈等情到署據此除指令呈悉任免警官事有專責該處長洞悉時弊杜漸防微所陳不爲無見仰候轉咨總司令部通飭駐防各軍遵照可也此令印發外相應備咨

貴部請煩查照通飭駐防各軍遵照至級公誼此咨

湖南總司令部

省長趙恒毅

中華民國十年十一月四日

湖南省長公署指令

合武岡縣知事吳劍佩

呈爲遵令改訂籌荒會簡章請立案由

呈及簡章均悉該縣籌荒會之設原爲預籌來歲春荒未雨綢繆用意未爲不善但查該會簡章第十二條所規定與本署前頒通令省內穀米應准一律流通以資酌劑之處不無抵觸應由該知事斟酌情形非至該團存穀缺乏不足自給時不得適用藉防流弊饑尙妥協應准備案仰即遵照此令簡章存

趙恒毅

中華民國十年十一月五日

湖南省長公署指令

令財政廳廳長鍾才宏

呈賣漢壽九月份被水成災各垸圖冊請蠲緩田賦由
呈賣均悉查漢壽大護堤以下各垸災情上年據該縣陳前知事呈報到署并請蠲免九年田賦一千九
百餘兩等情當經令行該廳依法查明呈候核奪在卷茲據呈賣冊結請予分別蠲緩大護堤以下各垸
及孫珠太極新興各處田賦額徵正銀六千九百三十四兩三錢四分五釐五毫等情查核呈報各節除
大護堤以下各垸災情業經呈報本署轉飭查明外餘均無案可稽仰再查案詳細呈覆以憑核辦此令
賣件暫存

趙恒毅

中華民國十年十一月五日

教育

湖南省長公署訓令

令湖南財政廳廳長鍾才宏
湖南學捐經理處經理員顏方珪

湖
南
政
報
爲令行事前據湖南學捐經理員顏方珪等電請轉飭衡陽釐金徵收局迅將五六七八九等月學捐如數發給現金一案當經本署明白指令并分令廳局遵辦去後旋據衡陽釐局覆稱查五六兩月之學款係由前任交來暫存代發者條內業經注明學款字樣界限極爲明晰款項亦不混含似無再由職局稅款項下繳出之必要此項收條存局可查至七八九等月煤油捐亦係儲款待領並未稽延及移作他項之用實與擅行挪用者似有差別查該經理員元電內稱該局仍以金庫收條搪塞不肯發現然此尤可藉口於前任移交至於七八九等月捐款純係現任朱局長任內之事所收純係現金職等屢次派員往領迄未照發等語查五六月學捐前任繳存金庫給條待領亦屬正當辦法而該員等指職局仍以金庫收條搪塞不知金庫並非個人之私有乃政府正式組設出納機關所發收證卽與現金有同等之價值現旣有收入之權必負支出之責搪塞一語該員等措詞命意均屬荒謬不倫且又係前任移交之收據該員竟指職局爲藉口不知何所據而云至七月以後代徵之學捐似不便提前發給亦未挪作他項之用現均儲庫待領合併陳明再查此項學捐前後統計將及五月之久該經理員等旣不遵領卽由職局備文解繳鈞署或財政廳核收轉發藉免文電之繁等情據此除指令呈悉查該局代收湘南學款純係一種地方公益捐旣非省有公款自不必繳儲金庫本署前爲固定學款起見已將淮鹽附加劃分專濟

直轄教育機關此項地方學捐尤不必混入金庫致涉挪提之嫌該局長身膺公務自應秉願地方公益仰仍由該局按月逕給其領以符向例勿得藉口推諉致礙學務進行除令財政廳轉飭所屬各釐局

律遵辦外並候令飭湘南學捐經理處知照此令印發並令

湖南學捐經理處知照財政廳轉飭各局遵辦

該處即便知照轉飭

遵照此令

趙恆勲

中華民國十年十一月五日

湖南省長公署訓令

令郴縣知事

爲令行事案據該縣勸學所長楊書仇學款經理員邵翰飛呈稱呈爲增加田賦附加以維學款並祈飭令縣署遵行事案查職所於九年秋經前所長黃純垓邀集縣事務所保管處教育會各機關會議議決將縣有各項學租五千八百餘石每石折合小洋一元歸職所直接收管又田賦附加項下酌提小洋二千三百五十元稅契項下酌提小洋一千元由保管處間接繳解合共九千一百餘元以爲縣教育經費前所長黃純垓業已呈請縣署轉呈鈞署備案並經指令此項教育經費不准挪作別用等因各在案嗣後案照劃分總額酌量各校情形分別支配尙多不敷及至年關猶借公債以資彌補今春來議會恢復以議會有統籌全縣財產之責教育經費既屬窮絀亟應請求設法彌補除將九年度決算十年度預算造具表冊逐項說明外並將教育經費如何缺乏種種苦況及應添應設各緣由呈請縣署轉咨議會

再四請求設法補救孰知議會諸公半屬富翁對於教育素不關切不特不能設法擴充並將去歲劃分備案各項學租五千餘石瓜分於各區以爲區教育費顧此失彼以致縣教育經費竟歸泡影故上學期蒂欠各校經常費至三千餘元之多雖一再請求更正原案均置若罔聞且兩項附加均係酌提若干并未規定成分不能直接收入猶屬困難若長此以往不謀救濟勢必陷全縣教育於黑幕中矣職以職守所在不忍坐視摧殘乃召集學界人員共同磋商僉稱田賦一項現在附加尙屬寥寥若能增至正供十成之二悉數提充教育經費則學款庶可支持查郴縣田賦附加每正供紋銀一兩徵收光洋二元四角而附加祇收三角九分以成數計之適爲十成之一成六分照實施義務教育章程之規定內載諸縣得就田賦繳納附加稅但至多不得過正供十成之三今擬再增四分湊合二成歸職所直接收納於定章無悖於人民無苦而縣教育經費尙冀有一綫生機爲此具呈鈞鑒核奪飭令郴縣知事轉行并令郴縣議會更正原案以維學款實爲學便等情據此除指令呈悉查自實施強迫教育案公布以來各縣增籌學款動輒數萬該縣號稱大縣地廣民衆綜核縣有學款僅有九千餘元顧此失彼不敷支配固屬實情前據該縣教育會呈同前情到署當令該縣知事查照實施強迫教育案第四條甲項斟酌地方情形加籌各項學捐在案除菸酒附加一項應照財政廳核覆辦法暫加十分之一毋庸遲疑外其餘各項雜捐縱均實行爲數亦復無多該所擬請附加田賦四分尙無不合況捐數因產額多少而有增減其普及公允無有逾於此者以地方捐款教育人民子弟楚弓楚得當無不樂於輸將仍候令縣咨商縣議會議覆後再行呈報本署轉飭財政廳備案以昭慎重惟該所應將關於施行強迫教育各項計畫按期報由縣

署轉呈核奪毋得任意延玩爲要此令印發外合行令仰該知事卽便遵照此令

趙恆愚

中華民國十年十一月五日

湖南省長公署指令

令藍山縣知事李寶堃

呈爲遵令造費教育產款一覽表請核示由

呈表均悉該縣現值籌備義務教育時期非有充足經費決難按期施行綜核表載各數每年收入不滿三千元經費如此支絀教育難望擴張該知事應卽督同勸學所及各興學人員加籌的款積極進行不得任意漠視又查表列收入錢數並未折合銀元總計欄內亦未填註有數該縣勸學所對於教育漫不經心已可概見該知事雖加覆核未令更正卽行轉呈亦有未合仰卽轉飭另填費署再行查核備案可也此令原表存銷

趙恆愚

中華民國十年十一月五日

實業

湖南省長公署委任令

令黑鉛煉廠廠長陳嘉勛

爲令委事案查黑鉛煉廠廠長趙連璧呈請辭職業經本署指令照准在案所遺廠長一職查有該員堪以勝任除分令外合行令委仰卽遵照前赴該廠接收任事并督同該廠員司將一應事宜妥爲規畫進行毋負委任仍將任事日期及接收移交情形具報查考此令

趙恒暉

中華民國十年十月二十九日

湖南省長公署訓令

令鑛務總局

爲令知事案據黑鉛煉廠廠長趙連璧呈稱呈爲徒勞無益有負成全再仰鑒察苦衷委賢接辦并懇轉飭鑛務總局籌發經費俾完經手事竊連璧濫竽廠務於今年餘措置無方殊深內疚去歲砂款按時接濟餘利尙有可觀今歲增置機爐擴充工程經營慘淡頗費苦心乃以砂款不能按時接濟之故致無成績可言卒至因砂罄而停爐損失鉅萬爲一般人所指摘撫躬自省寢饋難安用是引咎自責兩次呈請鈞署三次呈請鑛局辭職乃蒙溫諭有加未邀允准而連璧亦未決然捨去尙猶勉強支持者誠以吾湘生產機關未敢倒閉於連璧之手是以一面結束經手靜待交卸仍一面籌畫開工亟圖補救犧牲個人

第

六

十

顧全大局耿耿此心可質天日今幸業已重開爐煉罪戾可從末減又經鈞署召集會議決定以後矽款接濟辦法職廠基礎庶幾從此鞏固然爲連璧計從今以前增建廠屋添置機爐通盤計算倅不至有所虧折此心猶可自白若長此貪戀權位外觀事實內審財力默察前途竊恐難符定議終不得良善之結果夫琴瑟不調者必改絃而更張之與其貽誤將來曷若早避賢路再四思維惟有懇請鑒諒下情立予開去廠長職務卽日另委賢能接替以重廠務並懇俯賜矜全准飭鑛局籌發九十兩月份經費俾資結束無任屏營待命之至等情據此除指令呈悉查該廠長自接辦廠務以來慘淡經營煉務得以擴充本省長實深嘉許惟際此時艱據稱廠務困難各情尙屬實在所請辭職應卽照准俾該廠長藉息賢勞遺缺已令委陳嘉助接充所有該廠長任內九十月欠發經費並准令飭鑛務總局籌發除分行外仰將經手各項事件逐一移交新任接收清楚具報查核此令印發并令委陳嘉助接辦外合行令仰該局卽便遵照此令

省長趙恒勗

中華民國十年十月二十九日

湖南省長咨湖北省長文

爲咨覆事案准

貴省長咨開案據湘北實業廳廳長周英杰呈稱（案據襄陽第二農事試驗場代理場長賀潤清呈稱竊維農林爲重要之產業蠶絲乃出口之大宗提倡改良首在選用佳種選種先務全賴旁搜遠求查襄

期

二

湖

南

政

報

陽一帶土質肥沃氣候溫和於農林蠶均甚相宜惟因僻處一隅苦乏良好種子以致農林蠶各項事業難圖改良屬場自設立以來所有農林蠶各種種子概係就近採集種類單簡不獨不敷傳播之需并難資比較試驗因之選優汰劣無所依據茲秋深實熟之期正各地採集豐富之候屬場謹具表式二紙擬請鈞廳通令本省各場暨各縣農會并懇轉呈省長分咨各省令行所屬農林蠶各試驗場暨省縣農會徵求各地方良好農林蠶各種子按照表式分別填註逕寄來場俾得如法試驗廣行傳播所有呈請徵集農林蠶各種子理合連同表式備文呈請鑒核等情據此查該場擬徵集農林蠶各種子以備試驗係爲改良農產物品藉資比較起見尙屬可行理合檢同徵集表呈請俯賜核咨等情并附呈表式二紙到署據此查核來呈係爲振興實業改良農產起見自應准予分咨各省徵集農林蠶種以便試驗而資研究除指令暨分咨外相應照錄原表二紙咨請貴省長鑒核轉飭所屬農林各機關選擇良種照表填明逕寄該場至級公誼此咨等因並咨送表式二紙到署准此除照錄表式令飭各農林機關遵照辦理外相應咨覆

貴省長鑒核請煩轉飭該場知照爲荷此咨

湖北省長

湖南省長趙恒毅

中華民國十年十月三十一日

湖南省長公署訓令

實業

第

爲令行事案准湖北省長公署咨開案據湖北實業廳廳長周英杰呈稱(原文同上咨文括弧內)此咨等因并附送

表式二紙到署准此除咨覆并分令外合行照錄表式二紙令仰該

局會

即便遵照

知事


轉飭所屬農林機關

選擇良種照表詳註逕寄該場查收爲要此令

計發表式二紙

省長趙恒惕

中華民國十年十月三十一日



交涉

湖南省長公署指令

令委員程維嘉

呈奉委查辦耒陽天主堂巴司鐸干涉民人鄭登俊鄭登義等訟爭古樹一案由
一呈件均悉查此案情形極為複雜該員逐案鉤稽纖細靡遺所呈處理及調查各方法均無不合殊堪
嘉許巴司鐸干預訟訟受理案件出票傳人各節既經查有實據且有文司鐸會同查明自應轉飭交涉
署函請翁主教依法撤懲刻日調離湘境陽香清等恃教橫行甚至欺詐取財侮辱官吏實屬目無法紀
在該教為害馬在該縣為莠民亦應飭縣嚴密查拏盡法懲辦以儆效尤而戢澆風仍候申明約章另頒
布告永著為禁該縣劉知事對於巴司鐸送押鄭齊卿一案放棄職權任人操縱以致枝節橫生亦難辭
咎維終能揭舉巴司鐸種種不合行為既無仇教妬教之實復改袒教畏教之非應予從寬免議至該員
所用旅費仰候轉飭財政廳核發歸墊可也此令）抄件分別存發

趙恒毅

中華民國十年十一月九日

湖南省長公署訓令

令交涉員
耒陽縣知事

案據委員程維嘉呈稱前奉鈞座委任令開據交涉員仇鰲呈稱陽天主堂巴司鐸干涉民人鄭登俊鄭

交涉

登義等訟爭古樹一案迭經交涉未得正當解決嗣由耒陽劉知事揭舉巴司鐸年來干涉訟案載諸表冊又以鄭登俊等呈訴教堂逮捕平民刑訊私禁經縣訊供非虛復經職署函達翁主教要請撤懲巴司鐸乃翁主教不惟未見容納反謂劉知事尋畔教會串通裝飭堅請雙方委查以明真象懇委明達幹員馳赴耒陽切實查辦等情令卽赴耒查明實在情形呈復候奪等因奉此遵卽束裝起程先赴衡陽會晤天主堂主教翁德明據稱此本細故旣因教堂買樹肇畔儘可仍由教堂取消至巴司鐸平日爲人尙好此次似與劉知事互有隔閡已派常甯天主堂司鐸文煥章會同往查極願和平解決等語委員答以自當持平查辦隨赴耒陽適文司鐸亦已抵耒竊念此中情節複雜自以先查樹案爲入手辦法文司鐸意見雖與翁主教大致相合而耒陽天主堂司鐸巴義慈則欲委員審判此案且盼於古樟樹八株之中酌判一二株歸該堂砍伐以全體面否則須爲追償已付樹價及用費又聲明不願使經手賣樹之鄭登義等負此責任并述對於劉知事缺望各事意頗悻悻委員答謂買樹如應有效則酌判不成問題買賣如果取銷則全部樹株均難斫伐斷無酌判一二株之理至此次奉委來未但有調查之責並無裁判之權此案仍應歸兼理司法之縣知事訊斷其追償樹價及用費一節則須視審判結果如何亦不能預知爲何人負責因卽約同文司鐸於本月十一日偕赴鄭家灣樹山先行實地查勘并以劉知事原稱巴司鐸強砍樹株勘驗有據巴司鐸則謂當日經縣禁阻未砍而歸雙方各執一詞遂邀劉知事同往指證是日並有天主堂之華司鐸彭昌齡一併偕往遠望該處古樹翳然進前勘量大者圍圓二丈有奇餘均圍圓一丈數尺最小一株圍圓亦六七尺蓋均爲數百年之古物其中一株磧有砍損痕跡勘畢就山傳集鄭

姓一千會同文司鐸逐加詢問該處古樟樹原爲八房共有但八房已絕三房現五房後嗣共有男婦大小二三十人是日到場者甚衆均稱風龍古樹實不願賣其在天主堂畫押領錢願以三百串之價伐賣者僅止鄭登義鄭登龍鄭朝皆等數人稿係最小部分且委員及文司鐸均認該樹值價甚昂據劉知事原估亦值千有餘串卽質諸倡賣之鄭登義亦認賣價便宜若賣於別人能值六百串此詰以別賣能得多價何以舍多就少則答謂別人不敢承買又詰以天主堂何獨敢賣則吾塞不能置詞繼復查詢鄭登義鄭登龍均無貴產僅鄭朝皆略有薄產所值亦微詢畢時已昏暮遂諭令一千於十四日來縣復詢取摹而歸文司鐸見事實瞭然亦認巴司鐸辦事未妥且慮鄭登義方面敗訴回堂後力主和解乃由賣樹原中鄭壽賓出作調人委員以賣樹轉轄原係民事訴訟如能和解自亦贊成初據擬爲四條大致係由天主堂取消買賣不索賠償已砍損之樹歸鄭登義等培壅堅固餘則永遠保存商由原告鄭登俊等共同修改妥適並據鄭登俊等提出彌補訟費一條雙方同意增入共爲五條經鄭壽賓及當事人鄭登俊鄭齊卿鄭登儀鄭登伊鄭登選鄭登義鄭登龍鄭朝皆鄭梁氏等全體畫押并經委員暨文巴二司鐸認可分別簽字蓋章再由雙方出具結狀呈縣銷案其間巴司鐸反對鄭登俊等所提訟費一條以彼方已允拋棄爲藉口鄭登俊等則欲責對手人負擔原不認由房衆公籌幸經委員曲加曉導僅乃就範鄭姓一千亦遵前議於成和之日來縣比仍會同文司鐸復詢無異逐一取摹委員暨文司鐸各於答詞單內蓋章簽字互執一份並交一份存縣備查此委員查辦該縣天主堂干涉鄭姓樹案并該案和解之大概情形也此次委員明查暗訪教民鄭齊卿原非安分之徒卽如上年鄭厚欽賤價承買該處被風吹倒

第

六

十

二

期

樟樹一枝鄭齊卿始則出頭反對繼又以賤價自買一株寢事足見其并無保全占樹之誠心且由一二
人賤買賤賣他無異辭亦可徵其左右房衆之勢力聞前次教民鄭登義効尤賤售本係教民陽香清鄭
祿善鄭壽賓等數人假借名義倚勢串買故鄭登義有別人不敢承買之詞因鄭齊卿難於通過乃聳巴
司鐸以不守教規及擾害地方爲名遽將鄭齊卿及其兄并未奉教之鄭登選一併送縣收押經鄭祿善
鄭壽賓赴押所誘脅鄭齊卿書交空白領價字據後再由巴司鐸兩縣開釋鄭齊卿一經釋出鄭登俊等
即行阻伐謂非鄭齊卿主使其誰信之文巴二司鐸均痛斥其刁狡委員亦不能不認爲稿評不過鄭登
義等以少數人擅賣八房共有物確屬違法鄭登俊等確係主張正當權利鄭齊卿縱爲主使亦與教唆
犯法不同至其上年賤買公樹一株當時房衆既各默然官廳自難干涉萬不能曲徇該司鐸等之意加
以何等罪名而巴司鐸甘爲不肖教民利用情事顯然實乖情理幸賴文司鐸主持正誼案已和解自可
不再深求此外所當研究者惟在劉知事揭舉巴司鐸年來干涉訟案逮捕平民刑訊私禁諸問題並巴
司鐸反訐劉知事尋衅教會串通裝飭各論點今請就劉知事及巴司鐸雙方所執理由一一解剖爲
鉤座陳之查劉知事表列巴司鐸干預訴訟函件三十二起內除劉德湊民事案及匡玉堂詐欺騷擾案
兩函據巴司鐸指爲教友所爲伊不知情外其餘均爲該司鐸之所確認此次經委員調閱各函或蓋天
主堂印章或蓋巴司鐸名章或夾巴司鐸名片均與劉知事原表相符且原表尙漏列巴司鐸干與曾興
仕廖慶宴兩案信函二件亦均蓋有巴司鐸名章據巴司鐸於原表內說明劉前知事鍾衡任內匡爲和
曾興仕張守通鄭朝仁李茂盛羅天麒曾祥任七案伊因係教民查實情由備函通達劉前知事不以爲

違法干涉乃今知事一一搜逐指爲尋畔教會殊不知劉知事本未搜及前任舊案祇以爭樹交涉案內潘總鐸答復鈞署堅稱素知巴司鐸諳習約章絕不爲無理干涉故劉知事始爲清查乃悉巴司鐸之干與函件實不始自本任此七案中惟曾祥仕一案巴司鐸係請辦不法教民龍元開尙屬公正此外如匡爲和案內刑事被告匡某藉充天主堂愛德學校教員輒即致函抗不到案巴司鐸竟以蓋章名片夾投其內不顧匡某實係違反出庭備質之義務又教民曾興仕具訴曾如初私設法堂擅行細打燒燬神像一案巴司鐸輒爲代請究辦曾如初初函尙有請查虛實之語續函竟謂伊已查確迨劉前知事訊明曾興仕控情子虛將其收押事實適與相反又教民張守通因抗捐軍米由團遭張守松催收張守通輒架抄據細毆大題控經劉前知事飭團查係子虛巴司鐸遽爲轉函內有派人前往調查一語原似未經認實但函末仍請從嚴懲辦似又輕信一面之詞又教民鄭朝仁係鄭朝攸命案人犯經劉前知事收押自應靜候審判巴司鐸乃指屍屬藉命誣害輒爲函請開脫有不忍無辜久押之語又教民曾紀合因詐欺取財被劉前知事判處徒刑十月該堂華司鐸艾松年率爲函請開釋距宣判僅九日耳又教民羅天麒羅天旺因賣田謬轄強割田禾涉訟巴司鐸函縣力斥羅天旺無理取鬧迨劉前知事訊明判令羅天麒賠償羅天旺損失十串則羅天旺理直可見以上六案或則函陳不實或竟違法干求謂非干預訶訟實不可得劉前知事未予揭舉似屬容忍太過巴司鐸概以查實情由備函通達八字文飾其短委員誠不敢爲之阿容知事因潘總鐸一言詳查舊案以考證巴司鐸素來是否干訟平情論之似不得謂爲尋畔至表列劉知事本任各案如教民劉德湊因晒魚被村童拋棄與劉厚誠口角互毆構訟巴司鐸妄以

第

六

十

二

期

劉厚誠違約勒派劉德湊出錢點神燈燒錢紙爲辭函請嚴辦經縣查明函復巴司鐸復以署名蓋章之函自認前函調查失實劉知事原表漏列此函乃巴司鐸說明內仍執辭詞謂伊因違約請辦保護教民本屬正當不爲干涉實係無價值之強辯又教民伍大圭被總司令部諮詢余篁指爲聚賭函縣拘訊虛實自應澈究巴司鐸送爲函辯并代請賠償損失恢復名譽旋復在該堂私相又教民段齊卿殴傷段智人並毀損其什物控經劉前知事審判段智人不服上訴由縣更審判處段齊卿徒刑二月巴司鐸竟爲函請再審並請開釋又教民李育交與李育泌因公會轎轎涉訴巴司鐸函請將會產判作兩起說明內僅稱因該堂買田關係函請辦理實則直係授意裁判又該堂華司鐸艾松年與謝水仙經界訴訟巴司鐸函請判歸艾松年說明內謂艾有已身受害關係伊爲函請辦理不思艾係華人原可毋勞代請又桂陽縣教民鄧子喬鄧嗣秀均係李紀平命案嫌疑犯經劉前知事收押在耒巴司鐸率據桂陽廖司鐸函轉爲申辯並請開釋又教民廖慶官上年與廖慶官因事爭毆經巴司鐸私勒廖慶官書據出錢三百串廖慶官不服起訴巴司鐸竟函請追繳該款因判決未能如願再函請追且有如是裁判是何居心殊難索解之語公然大肆詆謗又教民鄭齊卿及其兄鄭登選均被巴司鐸送縣收押說明內謂其朦朧出稟醜成拒捕重案妄指無辜遂認爲違背教規擾害地方送辦教民不爲干涉夫違背教規自可革教至鄭齊卿另控鄭厚定等因事兇毆一案確經受傷之鄭登伊鄭登選鄭李氏投案驗明縣署依法拘訊何得謂朦朧該被告逞兇拒捕被逮數人乃由自取何得以鄭齊卿出名與控卽咎其擾害地方此直妄陷無辜何得謂爲送辦教民且鄭登選供未入教乃亦混作教民送押尤爲誣鑑又教民曾慶三與謝濟達民事

訴訟巴司鐸函請註銷說明內謂爲和解息事雖未顯分是非然教士爲人解訟亦似多此一舉又教民
蔣傳坤蔣傳登互爭地界先經該堂查傳判斷蔣傳坤不服起訴巴司鐸函縣指爲橫抗說明內謂應備
函證明其事不思該函確有請求究辦之語意義實不僅爲證明又該堂華司鐸艾松年隨帶李育端赴
鄉途中與人口角李育端遽呼從丁捉人比各走散從丁警將在亭間坐之伍湘南捕獲由巴司鐸函送
請辦說明內謂爲截奪艾松年什物并毆傷李育端實則李育端之傷已經縣署驗係僞裝訊實伍湘南
案係儒生並無行劫情事此次實係邂逅遇禍旋據巴司鐸面告劉知事謂已和平了結原報不實概可
想見以上十一案中尤以劉德湊一案之強辯李育交一案之授意廖慶宴一案之詆謨暨鄭齊卿鄭登
選一案之妄陷無辜最爲荒謬其伍大圭段齊卿艾松年鄧子喬鄧嗣秀等各案無論有無屈抑總應由
當事人自行具呈查外國教士照約不得干預公私各事並曾載入前清咸豐十一年奏准傳教諭單又
同治五年議准教士除教務外不得干預一切公私事件又光緒十二年議准凡奉教人遇有訟事悉聽
地方官審斷教士不得干預又二十五年議准如民教涉訟地方官務須持平審辦教士亦不干預袒護
各等因是西教士祇能專司傳教非但不能干預公事卽他人私事亦不應干預巴司鐸於伍大圭等各
案或請究辦或請再審或請開釋雖有一方奉教而干預袒護究屬違背約章曾慶三一案巴司鐸爲之
和解雖屬息事寧人究亦無解於干預私事之謂蔣傳坤蔣傳登一案巴司鐸原函實欲維持該堂私判
試思該私判有何效力何得混指蔣傳坤爲橫抗謂非干預而何至伍湘南一案經縣訊明係由李育端
濫捕送收其情乃甚於干預幸經和平了結不生法律問題此外惟蔣碧如一案巴司鐸說明謂係教民

第

六

十

二

期

指犯法特請嚴辦劉知事則謂係已革教民雖經帶案訊供旋據邑紳雷起蟄伍鳳池等三十餘人公呈指爲被誣遂卽開釋惜未就巴司鐸原指賭博重婚諸點正式開庭宣判無罪致彼振振有辭此則劉知事手續欠缺之過至於巴司鐸逮捕平民刑訊私禁各節劉知事原據鄭登選鄭齊卿供詞呈報此次委員與文司鐸在鄉詢據鄭齊卿所答與前大致相同是日鄭登選赴衡次日鄭登選到縣又與鄭齊卿各遞親供均稱確被天主堂捕禁鄭登選且確有被縛在柱逼交伊弟鄭齊卿情事經委員訊取在場見證鄭登義摹供可憑質之巴司鐸亦認伊等曾在堂要過數日且確係由堂喚來但在堂均屬自由等語文司鐸比亦共聞夫鄭齊卿雖曾奉教鄭登選則堅稱並非教民伊等何愛於該堂而必在堂留戀參觀瓦證是該堂逮捕刑訊私禁均非子虛文司鐸對此亦有恐怕不錯之語惟據鄭登義供指當時巴司鐸未在堂內事係陽香清所爲鄭登選鄭齊卿各供亦未明指巴司鐸是此次不法行爲確係陽香清實施犯罪毫無疑義但巴司鐸有主辦教務之責縱未沆瀣一氣而縱容教徒凌害人民似亦未能辭咎况此次委員蒞縣各界紳紛紛謁見憑陳天主堂受理案件出票帶人私開彩票侮辱官吏干預詞訟暨教民橫行不法各事者不下數十人現有該縣議會參事會公函一件又各機關團體代表資球謝藩南雷起蟄谷揚濤陳健陳天驥雷起資玉衡曾沂蕭倬漢謝若蘭陳鼎新張寶賀鴻鈞黃文藻伍式敷劉楚楠資炳勳等蓋章畫押公呈一件又地方保衛團團紳歐陽連驃夏壽南李顯湘等署名蓋章公呈一件均係指陳教堂教徒種種違法言之痛切異口同聲謹將各原函原呈寶呈鈞覽委員就中讐核如受理案件出票帶人一節則據指有該堂勒傳鄧繼慶與鄧繼度一案暨催傳王枝臣繳款一案調查縣卷教民鄧

繼慶與鄧繼度係因口角肇衅遽捏以背義術騙等情投狀天主堂又教民周常福以經官判定無效認王枝臣手揮錢文混捐教堂該堂均公然出票遣丁傳案且公然標硃判行蓋印其形式儼與官廳無異該票先後經團紳鍾榮森蔣傑李聚奎李顯湘等繳縣存卷王枝臣票內并加蓋有硃色長截一顆文曰每里給路費錢十四文訂期面質限一星期內十八字委員將該票持示文司鐸該司鐸當謂巴司鐸實係侵越官權代爲認過該票現經分別拍照併呈鈞核實可爲巴司鐸不法之確憑且鄧繼慶一案劉前知事曾函該堂嚴重質問巴司鐸覆函確亦自認該堂附立公教進行會凡人民雀鼠細故投會理論者均一律接洽惟雙方純係教民出以強制理論息事開辦後理息民間爭端甚夥並謂中國宗祠鄉團均常論理以證該堂爲民息事不爲越權該函亦照抄呈鑒夫中國宗祠鄉團雖各間爲人民和事然悉由當事者自行邀往從不聞出票帶人且團族本有排解義務與教士專司傳教不同何得妄行比擬據巴司鐸覆函而論是該堂出票理訟久已視爲固然甚至對於教民妄施強制對於平民濫逞干涉以禮拜誦經之地爲臨民決訟之場其心中固不知有約章其目中豈復尙有中國至該堂每票私收路費既有所蓋硃截可憑並據縣議會參事會函陳該堂每案原被告各收訟費錢四串文證以委員與文司鐸詢據鄭登義答詞亦有伊與鄭齊卿曾因爭樹各起錢四串在天主堂對理之語是原被各收訟費之說又屬不虛但該堂歷收此項貯款多寡則無從查考其私開彩票一節亦經委員查獲該堂小票二紙附賣查驗該票名爲耒陽天主堂學校獎券一蓋有該堂硃印一蓋有該堂愛德學校鈐記現獲之券業已開至二期一期券額共售小銀一萬毫三期券額共售銅元一千六百八十串惟第二期券價若干因未獲

第

六

十

二

有券無憑核計二期以後曾否續開倉卒亦難證明但據文巴二司鐸聲明現在確已停辦其侮辱官吏一節查係江前知事海宗任內因執行確定判決敗訴人賀萬錫恃教違抗復與對手人訴經左前承審員新震集訊竟有案外教民謝仲蓀挺身扛帮侮辱要挾左前承審員當將賀萬錫押繳斷款巴司鐸旋率謝仲蓀來署拍案大呼賀萬錫是伊國教民迫將賀萬錫開釋確經江前知事等先後電呈鈞署暨交涉署有案可稽至干預訟訟一節則劉知事原表臚舉已多該士紳等所指尙有教民蕭光榮因租保前田賦抵借員謝熊飛被竊案內獲押縣署之積賊吳隆勳並阻止該賊親屬繳款經謝熊飛報縣稟拘蕭光榮反敢捏情誣告被劉前知事訊實收押巴司鐸迭函代辯請釋不遂輒卽逕請前督軍兼省長委員查訊該縣奉令妥辦原卷具有此亦干預公事之一至該縣教民橫行不法一節如陽香清卽歐陽球藉充公教進行會會長倚勢作威私擅逮捕監禁鄭登選兄弟業已供證確鑿又據鄭齊卿當委員暨文司鐸答謂伊前在押所陽香清曾得伊銀六元始由天主堂函縣開釋又據鄭壽賓面具親供伊與陽香清鄭祿善李青保邱特初等各得鄭齊卿買樹契外鞋禮錢二串五百文若輩均係教民此復爲其詐欺取財之鉄證又教民謝仲蓀事不干己胆敢爲賀萬錫帮訟公然侮辱官吏該案內並有教徒毀棄官示橫閩縣署情事曾經劉前知事電呈鈞署暨交涉署向巴司鐸交涉有案他如劉德湏民事案及匡玉堂詐欺騷擾案均經該堂教徒假借名義私函公署已經巴司鐸認實亦足徵其胆大妄爲此均其肇肇大者此外罪惡殆難枚舉觀於該縣士紳函呈各件實可見其積忿之深伏思中外條約我國本祇對於設堂傳教資有保護之責公教進行會名義係一種集會結社性質確與他種教會之爲教派表識者迥不相

俾此等集會國法上似無根據該縣公教進行會成立未經官廳核准巴司鐸自爲監督陽香清謬充會長擅受民詞氣勢薰灼卽如捕禁鄭登選兄弟一案其兇焰已可見一班劉知事表列各案卷內現存巴司鐸干預公事函件或蓋該會私印或夾該會名片不一而足謝濟達一案陽香清甚且與巴司鐸平列公函對抗官廳關說案件何物教徒如斯狂妄實爲日無法紀查該邑此等澆風由來已久大抵緣於紳民怯懦官吏昏庸強者藉教以橫行弱者恃教以自庇以致教燄日熾民怨日滋浸成積重之勞此次委員到縣一般士紳羣以爲撥雲見日伸理可期是以不憚費辭環求挽救委員察其所請委係實在情形曾向文巴二司鐸嚴重質問該司鐸等亦認陽香清等聲名不好并稱前已將公教進行會停辦暨將陽香清等屏斥出堂委員當卽密商劉知事會同派隊查拏陽香清未獲隨復要求巴司鐸勿再袒庇表示官廳仍當嚴拿究辦之意一時不肖教民聞風股栗兜炤頓減於前應懇鈞座再行嚴令劉知事隨時嚴密查拿陽香清等務獲盡法懲辦以儆其餘并請聲明約章頒布一種最嚴厲之布告飭縣廣爲張貼藉伸正氣永戢澆風此項布告并可令其在未泐石刊碑垂諸久遠庶免在行萌孽其巴司鐸種種劣跡均有確據翁主教前謂巴司鐸平日爲人尙好似尙未知此中實情此次澈底查明文司鐸已允密商翁主教於二十日內將巴司鐸調離未邑應否就此了結之處仰候鈞裁其巴司鐸反計劉知事仇教妬教串通裝飾一節查所指本係空言全無證據且劉知事於巴司鐸送押鄭登選鄭齊卿之時並未訊實確供輒卽濫行收押迨巴司鐸一函請釋又復立予釋放職權盡弛操縱由人謂劉知事袒教畏教則可更何有仇教妬教之可言至鄭齊卿此次供辭係委員與文司鐸兩次會詢所得鄭登選亦係向委員面遞親

第

六

供且有鄭登義摹供均指天主堂逮捕刑訊私禁是實核與劉知事原訊大致均符更何有串通裝飾之事此又不待委員爲之置辯者也所有奉委查辦未陽劉知事與天主堂巴司鐸互訐一案緣由理合檢同諸據呈復鈞座俯賜查核辦理指令祇遵再此次所用旅費除前領六十元外尙不敷洋四十六元四角並請飭發歸墊合併聲明謹呈並呈賣和解樹案抄件二十四件到署除指令同上此令並

分令印發外合行令

發該

署仰卽遵照轉函翁主教查照辦理具復
知事卽便遵照隨時查拏陽香港清等務獲究辦

此令

趙恆愚

中華民國十年十一月九日

期

二

十

司法

湖南省長公署訓令

令漢壽縣知事

爲令行事業據該縣團正周肇基等續控北蠡鄉南嘴團防分局長湯才裕等擅用法權實行審判請令嚴辦等情并附呈判詞一本到署據此除批呈及附件均悉此案前據該團正等以法權兩違濫竽肆虐等情具呈到署當經令縣查明秉公核辦在卷茲據呈同前由并附呈判詞前來查團防以清查匪類保衛地方爲職責此外關於民刑訴訟當然不能受理該南嘴團防分局長湯才裕等竟敢以團總名義行使審判職權擅判擅罰實屬荒謬已極准再令行該縣知事傳案訊明依法撤處可也此批牌示外合行抄發原呈及判詞令仰該知事卽便遵照辦理勿延此令

計抄發原呈一件判詞一件

趙恒毅

中華民國十年十一月十五日

湖南省長公署指令

令新化縣知事陳思材

呈解處分蕭同春等捉匪格殺一案卷宗請核辦由

呈件均悉查吾湘軍事頻仍盜匪充斥政府爲除暴安良起見於事機緊迫時以明令許地方人民自力

司法

防衛遇必要時并准其格殺勿論核與懲治盜匪法規定不得上訴之旨正復相同此案蕭中育蕭鳳台父子勒詐吊拷刦殺拒捕實屬極惡窮兇法無可宥被害人蕭同春等遵照清鄉司令格殺佈告將該匪父子格斃既據該知事查訊明確將蕭同春等宣告無罪辦理尙無不合蕭鄒氏聲請上訴之處應毋庸議仰卽轉飭知照原卷發還此令

計發還原卷二宗

趙恒毅

中華民國十年十一月十五日

湖南省長公署指令

令新化縣知事陳思材

呈查覆田畯等被控一案乞核示遵由

悉該田畯等被控各節既據查明委係因公所致尙有可原所請撤銷原案並將毛前知事所出賞格一併註銷應予照准仰卽知照並轉飭雙方遵照以期訟竟切切此令

趙恒毅

中華民國十年十一月十五日

湖南省長公署指令

令沅江縣知事張以祥

呈賣十年九十月份民刑事訴訟月報表乞核示遵由
呈賣均悉准予備查惟該縣十月份新舊案共有三十一件止判結二件和解三件積壓未免過多嗣後
應趕速結清爲要此令表存

趙恒恩

中華民國十年十一月十五日

湖南省長趙示

批長沙戴成元等呈爲模糊判斷抗卷不解請飭調核辦由

呈悉查現行事例刑事案件係採國家訴追主義其上訴權惟屬於檢察官據稱該案業經判決究應上訴與否仰仍候長地檢廳依法辦理所請着無庸議此批

中華民國十年十一月十五日

湖南高等審判廳指令

令東安縣知事李家炤

呈報相驗蔣唐氏命案情形乞核示由

呈格均悉查傷害以有無因果聯絡關係爲要此案蔣唐氏受傷左肋左脇俱屬緊要之處且驗有紫赤色則傷已非輕微惟其死距受傷既逾三十日又據蔣恩獻所供七孔流血身死情形頗有可疑仰悉心研究務獲真相依法擬辦毋稍枉縱此令賣件存

代理廳長羅任

中華民國十年十月三十日

第

湖南高等審判廳民庭公開審理案件日時通告

六

本廳民庭十一月十四日下午一時公開審理案件如左

一李瑞之與楊達林因坟山涉訟不服郴縣知事公署第一審判決控告一案

(公開審理)

一鄧星泉與凌業恆因私訴涉訟不服長沙地方審判廳第一審判決控告一案

(公開審理)

本廳民庭十一月十五日下午一時公開審理案件如左

一姚胡氏與姚日順因繼承遺產涉訟不服常德地方審判廳第一審判決控告一案

(公開審理)

一汪行理與何漢俊因坟山涉訟不服桂陽縣知事公署第一審判決控告一案

(公開審理)

一施恩台與劉昇俊因婚姻涉訟不服漢壽縣知事公署第一審判決控告一案

(公開審理)

一黃月卿與楊紹英因賠償涉訟不服長沙地方審判廳第一審判決控告一案

(公開審理)

本廳民庭十一月十六日下午一時公開審理案件如左

一李允松與石忠俊因債務涉訟不服華容縣知事公署第一審判決控告一案

(公開審理)

一陳慶齋與葉雲龍因債務涉訟不服長沙地方審判廳第一審判決控告一案

(公開審理)

一金仲瑗與周淑貞因離婚涉訟不服湘潭縣知事公署第一審判決控告一案

(公開審理)

本廳民庭十一月十七日下午一時公開審理案件如左

一許學陽與振呂因土地涉訟不服桃源縣知事公署第一審判決控告一案

(公開審理)

一鄧田氏與鄧祖文因離婚涉訟不服慈利縣知事公署第一審判決控告一案

(公開審理)

一向李氏與楊虞卿因侵占私訴不服長沙地方審判廳第一審判決控告一案

(公開審理)

一陳迪吉與胡桂廷因坟山涉訟不服湘鄉縣知事公署第一審判決控告一案

(公開審理)

一劉廖氏與唐春生因債務涉訟不服甯鄉縣知事公署第一審判決控告一案

(公開審理)

、本廳民庭十一月十八日午后一時公開審理案件如左

一黃曾氏與黃劉氏因繼承涉訟不服沅江縣知事公署第一審判決控告一案

(公開審理)

一周桂福與堵秋生因業價涉訟不服常德地方審判廳第一審判決控告一案

(公開審理)

一潘煜林與丁朋來因洲土涉訟不服華容縣知事公署第一審判決控告一案

(公開審理)

一章運衡與王善堂因股夥涉訟不服常德地方審判廳第一審判決控告一案

(公開審理)

一秦彩宇與楊秋澄因坟山涉訟不服湘鄉縣知事公署第一審判決控告一案

(公開審理)

一德厚祥與王漢生因債務涉訟不服長沙地方審判廳第一審判決控告一案

(公開審理)

湖南高等審判廳刑庭公開審理案件日時通告

本廳刑庭十一月十四日前十時公開審理案件如左

一控告人陳獻邦對於臨武縣知事公署就該控告人逮捕等罪之所爲第一審判決不服控告一案

(公開審理)

一控告人何迪吉對於永明縣知事公署就該控告人殺人之所爲第一審判決不服控告一案

(公開審理)

一控告人吳喬松對於平江縣知事公署就吳維楨誣告之所爲第一審判決不服控告一案
一控告人郭東章對於益陽縣知事公署就該控告人毀損之所爲第一審判決不服控告一案
一控告人李貢增對於桂東縣署就該控告人脅迫脫逃等罪之所爲第一審判決不服控告一案
一控告人高等檢察廳檢察官對於茶陵縣署就劉佐北傷害人致死之所爲第一審判決不服控告一案
一控告人羅六十等對於長沙地方審判廳就該控告人等脫逃及吸食鴉片煙之所爲第一審判決不服控告一案

本廳刑庭十一月十五日午前十時公開審理案件如左

一控告人陸聯彪對於新田縣知事公署就陸滿滿等殺人之所爲第一審判決不服控告一案
一控告人高等檢察廳檢察官對於藍山縣署就李壽全詐財罪之所爲第一審判決不服控告一案
一控告人侯鳳儀對於安仁縣知事公署就該控告人傷害之所爲第一審判決不服控告一案
一控告人燕東生對於常德地方審判廳就該控告人殺人等罪之所爲第一審判決不服控告一案
一控告人高等檢察廳檢察官對於益陽縣署就丁立仁傷害之所爲第一審判決不服控告一案
一控告人高等檢察廳檢察官對於瀏陽縣署就宋新舫等誣告之所爲第一審判決不服控告一案
本廳刑庭十一月十六日午前十時公開審理案件如左

一控告人魏嗣選對於甯遠縣知事公署就該控告人誣告之所爲第一審判決不服控告一案
一控告人熊秀川對於道縣知事公署就熊秀漢等殺人之所爲第一審判決不服控告一案

一控告人廖安秦對於永興縣知事公署就曹慶堂傷害致死之所爲第一審判決不服控告一案
一控告人高等檢察廳檢察官對於瀏陽縣署就陳盛懷等傷害之所爲第一審判決不服控告一案

一控告人符保廷對於益陽縣知事公署就該控告人傷害之所爲第一審判決不服控告一案
一控告人蔣本仁對於湘陰縣知事公署就該控告人毀損之所爲第一審判決不服控告一案

一控告人劉玉生對於長沙地方審判廳就該控告人詐欺之所爲第一審判決不服控告一案
一控告人劉玉生對於長沙地方審判廳就該控告人詐欺之所爲第一審判決不服控告一案

本廳刑庭十一月十七日午前十時公開審理案件如左

一控告人黃富春對於資興縣知事公署就該控告人殺人之所爲第一審判決不服控告一案
一控告人高汝卿對於益陽縣知事公署就該控告人詐欺取財之所爲第一審判決不服控告一案

一控告人毛桐皋對於湘鄉縣知事公署就該控告人強財之所爲第一審判決不服控告一案

一控告人王賀氏對於湘鄉縣知事公署就該控告人殺人之所爲第一審判決不服控告一案

一控告人李環軒對於湘鄉縣知事公署就該控告人妨害秩序之所爲第一審判決不服控告一案

一控告人高等檢察廳檢察官對於湘潭縣署就王鑑湘傷害毀損之所爲第一審判決不服控告一案

本廳刑庭十一月十八日午前十時公開審理案件如左

一控告人李岐山對於祁陽縣知事公署就該控告人殺人之所爲第一審判決不服控告一案

一控告人劉曾氏對於寶慶縣知事公署就劉義堂殺人之所爲第一審判決不服控告一案

一控告人侯輔繡對於攸縣公署就侯大廷等逮捕監禁聚衆脅迫之所爲第一審判決不服控告一案

一控告人賀張氏對於湘鄉縣知事公署就該控告人傷害之所爲第一審判決不服控告一案
一控告人龔生友對於益陽縣知事公署就郭春泉傷害之所爲第一審判決不服控告一案

一控告人李灼才對於新化縣知事公署就袁二發傷害人致死之所爲第一審判決不服控告一案
本廳刑庭十一月十九日午前十時公開審理案件如左

一控告人朱達江對於安鄉縣知事公署就該控告人侵占等罪之所爲第一審判決不服控告一案

一控告人楊光佑對於岳陽縣知事公署就賈連城略誘和姦之所爲第一審判決不服控告一案

一控告人周冬藏對於安仁縣知事公署就侯隆生傷害人致死之所爲第一審判決不服控告一案

一控告人晏晴初對於湘潭縣知事公署就該控告人殺人之所爲第一審判決不服控告一案

一控告人彭人興對於劉陽縣知事公署就葉成盛等強盜誣告之所爲第一審判決不服控告一案

一控告人陸建標對於汝城縣署就謝桂漢過失傷害人致死之所爲第一審判決不服控告一案

一控告人李本興對於長沙地方審判廳就該控告人詐財之所爲第一審判決不服控告一案